

IDA, UNTEVHELE

 Zwo ralo, hai, izwo zwe vha zwi zwa musi Becky a sa athu bebwā. Huno ngauralo nda—nda elekanya, “Zwo luga, ni a divha . . .” Ndi—ndi la fhedzi tshidongo tsha mukapu wa otsi, u dura sheleni. Zwo ralo, ndi tou . . . Vha nnea thikhithi yanga, huno nda i saina fhedzi, ni a vhona, huno ndo u badela, nda i humisa, huno nda i dzhenisa ngomu, ngauri ndi na akhaunthu ya dzitshinyalelo.

² Huno liñwe quvha musi ro vha ri na mu—muṭangano wa mulindi. “Nnenñe,” vho ri, “naa iyi nati ndi nnyi yo dzhenisaho tshiñwe tshithu tshi no nga itsho?” Ni a vhona? Mu—muhulwane, ni a divha, “Sente dza fumi dza vhuragane?” Ngauralo uvho vhu vhonala ho tshipa vhukuma kha vhañwe vhathu, ni a divha. Vhañwe vhavho vho dzhenisa dolara, ni a vhona; dolara mbili dza tshiswiṭulo. Huno nne ndo dzhenisa kokotolo zwenezwo zwe zwa vha zwi zwone.

³ Zwo ralo, nda ri, “Zwo luga, zwino, a hu na ḥodea ya uri nne ndi dzhenise ngomu. Naa ndi ḥo itani arali nda la fhedzi, sente dza fumi?”

⁴ Vho-Fields, vhe vha vha vhe mufarisa-mulavhelesi, vha ri, “Billy, dzhenisani dolara, naho zwe ralo, nga zwiṭuku.” Ha pfi, “Izwo ndi zwine vhañwe vhoṭhe vha ita.” Ha pfi, “Ni tea u vhulunga izwo fhethu huthihi.”

⁵ “Ndi zwone,” nda ri, “A—a thi li na kathihi nga nn̄da ha tshidongo tsha mukapu wa otsi fhedzi, huno uyo ndi wone une nda u badela.”

Ha pfi, “Oo, ni songo, na kathihi izwo ni songo zwi ita.”

⁶ Zwo ralo, zwenezwo nda elekanya, “Naa ndi ḥo itani ngayo?” Zwenezwo nda badela vhuragane nga sente dza futhanu. Zwenezwo ndi dzhia sente dzawo dza fuña, arali ndi tshi ḥodou dzi shumisa kha tshiñwe tshithu, nda dzi nea vhañwe vhana vha re tshiṭaraṭani; vhañwe vhana, ni a divha, vho vhonalaho vha tshi nga vha ḥoda sangwedzhi ḥukhu ya kale, sangwedzhi, na yone-vho. Zwo ralo, nda elekanya uri khamusi ndi nga kona . . . Ndi zwone, iyo yo vha i khamphani, yone inę, i tshi khou amba na nne nga u ralo. Uyo o vha e munna a bvahō kha khamphani.

Ngauralo, nda elekanya, “Khamusi ndo ita tshiñwe tshithu tsho khakheaho.”

⁷ Ngauralo fhano a si kale-kale, hu na mulindi . . . Zwino vha linda nga dzihelikhophutha, ni a vhona. Ngauralo a da huno a ima. A ri, “I ri ni, Mukomana Branham,” ha pfi, “uyu muri u khou aluwa.”

Nda ri, "Iina." Nda ri, "Vhana vha tambela fhasi ha wonoyo afho nn̄da."

A ri, "Naa ri nga u rema n̄tha?"

Nda ri, "Iina, fhedzi ni songo u rema. Ni a vhona?"

A ri, "Zwo ralo, ri ḋo takalela u u rema. Ri ḋo ni badelela zwone."

⁸ Nda ri, "Hai. Hai. A thi ṭodi ni tshi u rema." Ndi zwone, ndi a divha milayo ya pfanelo dza u shumisa ndila, na n̄ne-vho, ni a divha, ngauri ndo vha ndi khayo lwa miñwaha ya sumbe. Nda ri, "Hai." Nda ri, "A thi ṭodi u tshi remiwa, fhedzi ni nga u rema n̄tha." Nda ri, "Ndi—ndi dzula ndo u rema n̄tha, fhedzi," nda ri, "ni nga ralo. Ni nga u rema n̄tha arali ni tshi ṭoda." Nda ri, "Nne, Mukomana Woods na n̄ne, ri khou dilugisela u u rema n̄tha. Ri rema iyi miñwe yothe henehafha." Huno nda ri, "Fhedzi ri takalela u sia uyo heneffo nga n̄thani ha vhana, Joe na vhañwe, ni a divha, vhatu vhañku vha tambaho fhasi ha uyo muri."

⁹ Ndo ṭuwa nda fara lwendo. Musi ndi tshi vhuya, wo vha wo saiwa nahone wo bviswa. Oo, ndi tsengo-de ye ya vha i tshi do vha yo vha hone kha khampmani, ni a vhona, nga u rema uyo muri, ni a vhona. Huno ngauralo nda elekanya, "Zwino," nda ri, "Murena, izwo a thi khou yo vhuya nda zwi bula." Ni a vhona? "Kana arali hu na tshiñwe tshithu tshire nda—tshire nda, kha izwo, nga tshiñwe tshifhinga ndi tshi dzenisa ngomu, ndi tshi la fhedzi zwo linganaho sheleni, huno nda tea u dzenisa 'sente dza futhanu.'" Ni a vhona? Nda ri, "Arali hu na tshiñwe tshithu kha izwo, litshani izwo zwi u thivhe, ni a vhona, zwauri—zwauri n̄ne—zwauri n̄ne ndo vhea izwo ngomu, ni a vhona. Zwauri n̄ne..." Huno zwenezwo ndo litsha u lora nga ha u vha kha Public Service Company, ni a vhona, ngauri hu fanela ho vha hu tshiñwe tshithu murahu ngomu heneffo.

Ri tea u sedzesza zwine ra ita. Ri tea u ṭangana nazwo liñwe ḋuvha.

¹⁰ Vhana, ni tshi da hangeno. Mme anu vho vha vhe nga hangei, liñwe la ɻamusi, Trudy. Ndi a humbulela uri a no ngo, a no ngo divha. Itshi tshi tou nga tshimangadzo, ndi a vhona. Huno ni khou dilugisela u pfufhiwa. Huno ro fara ulu lwendo lwa u ḋa ngeno nn̄da rothe. Ndi ḋo dzenisa muñanganoni zwino, nga u ṭavhanya nga murahu ha uyu muñangano. Huno ri khou ḋo ya hayani.

¹¹ Ndo elekanya uri tshi ḋo vha tshikhala tshavhuđi tsha u amba na vhoiñwi nothe, huno zwenezwo nda elekanya na uri zwi ḋo vha zwavhuđi u amba na vhana zwiñkunyana ni sa athu vha na u pfufhiwa hanu. Nda vhala ndimana i bvaho Bivhilini, huno nda tou amba na vhoiñwi zwi tshi bva mbiluni yanga, lwa miniti i no ṭodou swika fumi. Ndi ḋo bva ndilani ya vhoiñwi. Ni a vhona?

¹² Ndi sa athu amba na vhana, ndi do takalela fhedzi u amba na vhaaluwa lwa tshifhinganyana fhedzi, na vhone-vho, vho inwi nōthe. Ndi zwino, khañwe, khamusi lwendo lu netisaho, lwo vha lwo ralo. Fhedzi tshenzhemo ye nda i guda kha Mudzimu, ndi nga si dzhie dolara dza zwigidi zwa fumi ndi tshi itela zwe nda guda kha Murena tshee nda vha fhano. Ndi a tenda ngangoho uri ndi da nga vhuthetshellesi ho dalaho kha ndaela ya Ramaandoathe, huno ndi—ndi a fulufhela uri ndi nga dzula ndi nga iyo ndila. Huno hu na . . .

¹³ Musi ndi tshi da, tshithu tshithihi, ho vha hu nga bono, zwe nda vha ndo ima nga n̄tha ha Tucson hangeno n̄tha musi mu—mu—muthuthubo u tshi vha hone. Ndi zwone, Mukomana Fred o vha e heneffo musi u tshi vha hone. Huno vho dzhia itshe tshifanyiso zwino, ni a divha, lutomboni. Huno a tho ngo elekanya zwinzhi nga hazwo, na kathihi a tho ngo zwi dzhieila nzhele. Ngauralo zwi thoma u ntakadza nga inwe ndila, liñwe duvha. Huno Mukomana Norman, khotsi a Norma fhano, vho mmbudza, vha ri, “Naa no zwi dzhieila nzhele izwi?”

¹⁴ Huno ndi tshi tou sedza, heneffala ho vha hu na avho Vharunwa vha tshi tou vha khagala nga ndila ye Vha kona, vho dzula heneffala kha itshe tshifanyiso. Ni a vhona? Nda sedza uri ndi vhone uri zwe vha lini, huno ho vha hu tshifhinga, tshi fanaho, duvha kana mavhili a sa athu swika, kana duvha kana mavhili nga murahu ha musi ndo vha ndi henengei n̄tha. Nda sedza he zwa vha zwi hone. “Devhula-vhubvaduvha ha Flagstaff, kana Prescott, hu re phasi ha Flagstaff.” Ndi zwone, afho hu tou vha he ra vha ri hone, ni a vhona, zwe tou kokotolo.

¹⁵ “Maela dza fumbilirathi u ya n̄tha.” Mulandu, mutsidi u nga si ye nga n̄tha—nga n̄tha ha maela n̄na, n̄na u ya n̄tha, kana thanu, muñunu, lushaka luñwe na luñwe lwa khuli kana tshiñwe tshithu, ni a vhone. Mabufho a fhufha kha zwigidi zwa fumiñahe. Izwo ndi u swika nga n̄tha ha makole othe, ni a vhona. Huno zwigidi zwa fumiñahe zwi ḥodou ita maela n̄na u ya n̄tha. Itshe tshi n̄tha nga maela dza fumbilirathi, na maela dza furaru u tshi budekanya, nahone nga tshivhumbeo tsha phiramidi, arali no sedža tshifanyiso.

¹⁶ Huno thungo ya tshauļa, vhunga ndo ni vhudza, ndo dzhieila nzhele, tshavhudisa, uyo Muruñwa. Ngoyo, khana i nnnda, phapha dzi murahu, a tshi khou dzhena heneffo ngomu, zwi tshi tou vha kokotolo nga ndila ye zwa vha zwi ngayo. Na kathihi a tho ngo zwi dzhieila nzhele musi Vha tshi thoma . . . Ho vha na zwithu zwinzhi nga maanda.

¹⁷ Nga u tou dzhena ndilani liñwe duvha, ho vha na tshiñwe tshe tsha bvelela tshe tsha amba na nñe nga ha tshithu tshine nda—nda fanelu u ita. Huno a si—a si mulaedza wanga.

¹⁸ Nga tshiñwe tshifhinga, Leo Mercier o amba, a ri, “Mukomana Branham, tshifhinga tshi do da nga murahu ha

hezwi,” a ri...miñwaha i no Ქođou swika miñanu kana ya rathi yo fhiraho, khamusi ya sumbe, a ri, “Murena u khou yo shandukisa mushumo wanu, Mukomana Branham.” Huno a ri, “Musi A tshi ita, hu na khonadzeo ya uri ni Ქo tou ita muduba wa zwibadela, huno na amba navho vha bva mi—mibetenı na zwithu.” A zwo ngo pfala zwi zwone, naho ndi tshi tenda uri Mukomana Leo o vha a tshi khou lingedza u fulufhedzea nga hazwo.

¹⁹ Fhedzi a zwo ngo pfala zwi tshi tou vha zwone, ngauri, ni a vhona, Murena Yesu washu ho ngo ita izwo na kathihi. Ni a vhona? Huno O dzhena zwibadela. Ho vha hu na muñwe kha tshiña sibadela. Naa ni a elelwa he tsha vha tshi hone Bivhilini? Tivha la Bethesda. Mavhuthu mahulwane a vhathe vha si na nungo o vha o edela heneffho, vaholefhali, vha Ქudzaho, vha mabofu, vho omaho mirado, vho lindela Muruñwa. Zwino, afho ho vha hu kha sibadela tsha maya he vhathe vha vha vho lindela phodzo ya Muya. Huno hafha Mufhodzi wa Muya Ene muñe o dzhena huno a fhodza muthihi huno a bva. Ngauralo no vha ni si nga lavheleli munna a faho, kana mushumo u da, wo vha u tshi do vha muhulwane u fhira zwe uyo wa vha u zwone. Ni a vhona? Ndo kundelwa u tendelana nazwo.

²⁰ Fhedzi ndi tshi thoma u rembuluwa, Muya Mukhethwa wa da kha nne. Nda humbela pene kha Leo. Nda wana tshipida tsha bammbiri, huno nda zwi nwala. Tshi kha tshigarikana tshawe namusi, arali ni tshi dzulela u Ქoda hune tsha vha hone. Ndi itsho tshigarikana tsha kale tsha alumina he nda vha ndi na tshishumiswa tsha u laisa. Musi ni tshi tou dzhena nga muñango, hu na raga thungo ya tshanda tshaula, heneffho nga phanda ha tshigarikana. Tshi nga fhasi heneffho. Ndo tshi vhea heneffho. Ha pfi, “Linwe Ქuvha ni nga kokodzela itshi nnnda. ‘Mudzimu na kathihi a nga si shandukise mushumo, fhedzi Ქ do shandukisa munna a re na mushumo.’” Izwo ndi zwine zwa tea u itwa.

²¹ Ni a vhona, ndi—ndi a Ქivha zwine nda tea u ita, fhedzi a—a thi koni, ndi nga si kone u zwi ita kha nyimele ine nda vha khayo zwino. Ngauri, ndi tea u... Tshinwe tshithu tshi tea u bvelela ngomu hanga, itsho tshi Ქoda Mudzimu uri a tshi ite.

²² Ro diimisela u humela hayani. Vhana vho Ქulutshelwa hayani, vhothe vha khou Ქoda u humela. Ngauralo ndi khou elekanya u vha humisela murahu, Murena a tshi funa, khamusi nga murahu ha tshumelo nga Mugivhela, huno ngauralo nda humela murahu. U bva heneffho, a thi Ქivhi. Fhedzi ndi a Ქivha uri zwenezwo itsho tshinwe tshithu tshi tshi bvelela ngomu hanga, u nnyita uri ndi pfele vhathe, lwo fhambanaho na zwine nda ita zwino. Ndo no landula vha—vhathe, ni a vhona, huno a—a tho ngo Ქoda u Ქwa ndi tshi shumisana navho. Ni a Ქivha zwine nda khou amba, zwine nda zwi vhidza “ricky, ricketta,” vho vha na zwithu zwe vha ita. Ndo rera nga u fulufhedzea hothe, huno Mudzimu o zwi khwathisedza nga ndila inwe na inwe. “Huno

arali vha songo Ძoda u Li tenda, mulandu, zwenezwo vha litsheni vhe vhot̄e.”

²³ Ndo vha ndi tshi khou ya henengei n̄tha, u farisana na Bud ulu luṭavula lu daho, nda thoma u ambara zwa u ya nn̄da henengei n̄tha. Nda lindela sogani, nda litsha mavhudzi anga na ndebvu zwi tshi aluwa. Huno arali Murena o Ძoda ndi tshi ya huñwe fhethu, O vhu a tshi do nthumela ipfi, huno ndo vha ndi tshi Ძo ya henengei huno nda ita.

²⁴ Huno ndilani, ndi tshi khou dzhena l̄inwe duvha, A nnyimisa. Huno nda v̄hona he . . . tshe nda vha ndi tshi khou da khatsho. Nñe—nñe ndi ndilani yanga ya u ya kha tshinwe tshithu-vho zwino. Huno nda elekanya, musi ndi tshi swika hayani, ndi Ძo ita zwine ra zwi vhidza nyambo ya mbilu-kha-mbilu, khamusi nda i rekhoda kha theiphi, huno zwenezwo nahone u itela uri vhathu vha vhone uri ndi ngani ho vha na tshanduko nga u Ძavhanya.

²⁵ Zwino, vho inwi vhana, kha ri tou . . . Kha ri vhe na ipfi liṭuku la thabelo.

²⁶ Murena Yesu, ri a livhuwa tshifhinga itsi, u diwha uri ro kuvhangana fhano, muswa na mualuwa, na wa murole wa vhukati. Huno ro kuvhangana, siani lino la Vhutshilo-tshothe, luthihi hafhu u amba nga ha Iwe na nga Ძa zwithu zwe teaho Vhutshilo ha lini na lini.

²⁷ Huno avha vhaṭuku vho dzulaho ngomu hafha madekwana a ḥamusi, vhañwe vhavho vha khou pfufhiwa, vhañwe vho no di pfufhiwa. Fhedzi ndi a limuha, Murena, tshinwe tshithu tsho bvelelaho kha awara dzi si gathi fhedzi dzhenuwo ilo l̄ihulwane li sa athu da, kana muthuthubo muhulwane, wo no di itea thavhani ngei n̄tha, devhula ha Tucson, musi Vharuniwa vha Murena vho tsela phasi. Ndi elelwa zwe zwa ambiwa, nahone—nahone nga maanda nga ha vhathu vhaswa. Ndi a U rabela, Murena, u ri thusa u pfectesa. Huno ngavhe ndi tshi kona u amba tshinwe tshithu kha avha vhathu vhaswa, madekwana a ḥamusi, tshine tsha Ძo vha thusa lwondoni. Ngauri, Murena, rothe ri Ძoda iyo thuso kha tshino tshifhinga.

²⁸ Ri fhaṭutshedze rothe. Ri hangwele zwighi zwashu. Huno arali hu na tshinwe tshithu tshe ra ita tshee ra vha ngeno nn̄da, tshi songo U takadzaho, ri a rabela uri U ri hangwele tshone. Ngauri ri a limuha, ḥamusi, uri a ri na na—na khwathisedzo ya la matshelo. A ri diwhi zwine matshelo la disa. Ri fanela u dilugisa ḥamusi u Ძangana na la matshelo. Huno, Khotsi Mudzimu, hu na ndila nthihi fhedzi ine ra diwha u ita izwi, hone u, dilugisela u v̄hona Iwe, ngauri hu si kale ri a limuha uri rothe ri khou yo zwi ita. Huno ri tea u Ძangana nazwo tshinwe tshifhinga, hu nga vha nga mulalo, sa khonani kana ḥwana, kana sa swina. Kha zwi vhe kule, Murena, zwauri ri vhe tshinwe tshithu-vho nga nn̄da ha v̄hana Vhau Iwe muñe vha funwaho. Tendela izwi zwithu ri zwi humbelaho, Dzinani la Yesu. Amene.

²⁹ Namusi, musi ndi tshi khou ṭahula dzitshene, nga matshelonitsheloni vhukuma, nda wana fhethu Bivhilini, nda elekanya uri tshi do vha tshithu tshavhudzi u hu vhala nga tshino tshifhinga. Huno ndi...hu nga di vha hu songo tea nga maandesa, fhedzi ndo elekanya uri fhedzi lwa...fhedzi—fhedzi lwa miniti i si gathi, u amba. Ndi ṭodou vhala izwi kha ndima ya 18 ya Luka Mukhethwa. Vhanwali vhana vhothe vha Mafhungomaqifha vha nwala nga hazwo. Ndima ya 18 na ndimana ya 18.

Huno muñwe muvhusi a mu vhudzisa, a ri, Muñe Wavhudzi, naa ndi do itani uri ndi le ifa la vhutshilo vhu sa fhelí?

Huno Yesu a ri khae, Ndi ngani u tshi mmbidza wavhudzi? a hu na wavhudzi, nga nn̄da ha muthihi, ane a vha, Mudzimu.

Iwe u ñivha milayo, U songo ita vhupombwe, U songo vhulaha, U songo tswa, U songo amba vhuzanzi ha u zwifha, Hulisa khotsi au na...mme.

Huno...a ri, Izwi zweithe ndo ita, nahone ndo zwi vhulunga u bva vhuswanî hanga.

Zwino Yesu a tshi pfa izwi zwithu, a ri khae, U kha di vha wo ṭahelwa nga tshithihi: rengisa zweithe...wa vha nazwo, huno u kovhele vhashai, ...iwe u do vha na lupfumo ḥađulu:...ida, u ntevhele.

³⁰ Ndi elekanya uri, ipfi, *Ida*, *U Ntevhele*, iyo i do vha ngeletshedzo ya khwinesa ye nda vha ndi tshi nga i nea arali ndo vha ndi tshi khou amba na vhana vha zwigidi zwa fumi, kana arali ndo vha ndi tshi khou amba na zwine nda vha zwone. Ndi ndaela, huno tshithu tshihulwane tshine nda elekanya uri tsho vhuya tsha nekedzwa muñwe muthu, nahone nga maanda muthu muswa, “U Ntevhele.”

³¹ Inwi ni khou yo tevhela muñwe muthu. Zwino, inwi itonu... Ni nga zwi elelwa izwo. Inwi ni khou yo tevhela muñwe muthu. Huno ndila ine na tevhela muthu ngayo, ivhani na ngoho ya uri, ndi nnyi uyu muthu a no khou tevhela. Ni a vhona? Ri...

³² Paulo nga tshiñwe tshifhinga o ri, “Ivhani vhattevheli vhanga sa nne ndi wa Kristo.” Nga mañwe maipfi, “Vhunga ndi tshi tevhela Kristo, inwi ni ntevhele.”

³³ Huno zwino, kha itshi tshifhinga tsha tshanduko, itshi—itshi tshifhinga tsha vhutshilo hune rothe ra da. Huno zwifhinga zwinzhi no mpfa ndi tshi huwelela “ricky, ricketta,” na zwithu. Ndi, ndi tshikhathi. Ndi tshikhathi tshine ra khou tshila khatsho. Zwa vhukuma a si avho vhathu.

³⁴ Avho vhathu ndi vhathu vha no nga riñe. Avho vhana vha re ngeno nn̄da vha na tsimbi dzi fhisaho idzi, vha tshi khou gidima n̄tha na fhasi tshiñarañani, huno vha tshi bvela phanda nga ndilá ine vha vha ngayo, vha tshi khou dahan dzisigarete

nahone vha tshi khou nwa tshikambi, na vhasidzana vho ambara lwa vhuada, na zwithu, avho ndi vhasidzana na vhatukana vha no nga riñe. Ni a vhona? Ndi vhathu. Vha a funa. Vha a la. Vha a nwa. Vha a edela. Vha a fema. Vha tea u fa. Vha vhathu vha no nga riñe. Huno naho zwe ralo vho . . .

³⁵ Vha na mya muvhi. A vha zwi divhi. Hu si nga ñwambo wa—wa vhathu, fhedzi ngauri, tshiñwe tshifhinga, muñwe murangaphanda we vha vha tshi khou mu tevhela o vha khadela ndilani i songo lugaho.

³⁶ Zwino, vhoiñwi vhasidzana na vhatukana ni divha zwa khwine u fhira izwo. Ni a divha. No funzwa zwa khwine zwi fhiraho izwo. Ni na vhabebi vha khwine, u pfumbudzwa havhudí u fhira u ita tshithu tshi no nga itsho. Ni divha zwa khwine.

³⁷ Fhedzi a vha ralo, ni a vhona, ngauri zwivhidzo zwine vha ya khazwo ndi zwivhidzo zwa musalauno, ndi zwa musalauno. Huno vha—vha tou tshilela ñuvha, vha a takalelwa lwo engedzeaho. Huno, yawee, nnennen! Naa ndi . . . Mikhwa yavhudí i vha vhuvhuya khavho. Ni a vhona? Ngauralo vha, zwine . . . Vhunga ndo amba nga tshinwe tshifhinga, kha mutambo we nda u vhona ngeno, a si kale-kale, wa Sodoma na Gomora, we uyu musadzi a re na mya muvhi a ri kha—kha Loto, “Zwine wa zwi vhidza zwa vhuada, ndi zwi vhidza vhuvhuya.”

³⁸ Yesu o ri, “Vhunga zwe zwa vha zwi zwone maduvhани a Noaxe, zwi do vha nga u ralo kha u da ha Murwa-muthu.” Ngauralo ro vhuyelela afho fhethu hafhu.

³⁹ Kha ri sedze uyu muthu, lwa miniti i si gathi, we ra vhala nga hae. A hu na thimothimo ya uri uyu ñwana o bebelwa hayani havhudí, vhunga vhoiñwi vhana. O aluswa e na vhabebi vhavhudí. Ngauri, zwe disumbedza, musi Yesu a tshi mu fha milayo ya Mudzimu. O ri, “Iyi ndo i vhulunga u bva ndi tshee muswa.” Zwo sumbedza uri o vha o ralo, o vha o ralo. O vha o aluswa zwavhudí. O vha a sa tou vha lithubwa. Huno ni a divha, o—o aluswa uri a divhe zwi re zwone, vhana vha no nga vhoiñwi. Hu na khonadzeo ya uri o vha e phasi ha mme na khotsi vha ofhaho Mudzimu, u—u—u mu funza zwi re zwone, musi o vha e ñwana. Zwe ralo, izwo ndi zwavhudí.

⁴⁰ Khamusi, sa lushie luñuku, mme awe vho vha vhe na lutamo lwa ñtha nga hae a tshi vha munna muhulwane nga liñwe ñuvha. Khotsi awe vho vha vhe na tshelede nnzhi, ye ya vha i tshi nga mu dzenisa tshikolo na—na u mu ñea pfunzo ye a kona. O vha a tshi do bva e na pfunzo yavhudí huno a kona u vha tshiñwe tshithu shangoni. Huno nga u fulufhedzea ha uyu mme na khotsi, vha tshi khou funza uyu ñwana, huno khañwe a da kha tshifhinga tshawe tsha u pfufhiwa vhunga vhoiñwi, ni a vhona, tshifhinga musi o phasa tshikoloni huno a vha na pfunzo yawe. A hu na na thimothimo ya uri khañwe ene o vha e u dihudza na dakalo la—la vhutshilo ha uyo mme na khotsi. A hù na na

thimothimo, mađuvhani ayo, o vha e na bere dzavhudzi, vhunga vhoinwi ni na mimođorokara, na khotsi na mme vhavhudzi vhunga vhoinwi nothe ni navho, vha no vhona zwauri, ni na zwiambaro zwavhudzi, na—na mođoro, huno ni nga...huno na tou diphina nga vhutshilo, tshiñwe tshithu fhedzi tshi no nga tshine na vha natsho ñamusi.

⁴¹ Huno khotsi na mme vhe na...vha tshi khou rabela lu sa fhidzi uri—uri murwa wavho a nga si do fhedza e munna zwawe, uri u do vha munna a divhaleaho. Vhabebi vhothe izwo vha a zwi ṭoda. Naa no zwi pfa Yesu a tshi amba nga ha uyo mulayo, “Hulisa khotsi au na mme au,” a mbo ima? Ni a vhona? Huno ulwo ndi lutamo lwa mubebi muñwe na muñwe, u itela vhana vhavho zwa khwinesa, zwine vha kona, vha vha funza, vha vha nea zwithu zwe khamusi vha vha sa koni u zwi wana. Iyo ndi ndila ine nda dipfa nga ha vhana vhanga.

⁴² Ndi a elekanya uri, tshiñwe tshifhinga, nga u ya tshikoloni, zwino; ndi a elekanya, u rumela Becky na Sarah na Joseph ngomu ha izwi zwikolo zwa nthia na zwithu, hune izwi zwothe zwi no khou bvelela zwa vha hone? Ndi elekanya uri ndi do vha dzhia huno nda vhuyeleta thavhani, huno—huno nda vha alusa henengei nthia na...vhunga zwine Maindia a tshilisa zwone.

⁴³ Fhedzi ngezwi zwine zwa vha zwone. Tshi re kha ñwana tshi khou yo bva. A hu londwi uri tshi ngafhi, tshi tea, tshi khou yo bva. Arali hu vhuvhi ngomu heneffo, vhu do bva gammbani ya India. Arali hu vhudi ngomu heneffo, vhu do bva gammbani inwe na inwe. Ni a vhona? Ndi tshine tsha vha kha ñwana, vhuvha ha ñwana, tshine tsha vha nga ngomu hañu. Huno zwine na vha zwone zwino ndi zwine nga khonadzeo na do vha zwone vhutshiloni hañu hothe. Ni fhethu ha u shanduka.

⁴⁴ Naa ni a diiha uri mini? Phesente dza fumalorathi dza dzithembuluwo kha Yesu Kristo dzi itwa hu sa athu swikiwa kha miñwaha ya fumbilinthihi. Zwi a zwi sumbedza. Dzimbalombalo dzi a zwi sumbedza. Phesente dza fumalorathi dzi no da kha Kristo, dzi da vha sa athu fara wa vhufumbilinthihi. Inwi, nga murahu ha musi no no fhira uho vhukale, ni vha o vhumbeaho lwo engedzeaho kana o dzudzanyeaho ndilani dzañu. Oo, zwi a konadzea, ngoho. Vha a da, fusumbe, fumalo, nga miñwaha, fhedzi a zwi anzeli u wanala. Ni a vhona?

⁴⁵ Inwi ni a diita musi ni muswa. Ni vhekanya lutamo lwa zwine na ṭodou ita, na zwine na ṭodou zwi swikela vhutshiloni. Ni elekanya nga hazwo. Huno musi ni tshi elekanya, a hu na zwiñwe, ḥhalukanyo yañu, zwi nekedzwa ḥhalukanyoni yañu nga tshiñwe tshithu tshi sa dihe tshi—tshi no langa ḥhalukanyo yañu. Huno zwenezwo musi tshi tshi vha ḥhalukanyoni yañu, zwenezwo inwi ni a tshi amba, uri ni khou yo tshi ita. Huno zwenezwo lutamo lwañu lu ni swogela khatsho.

⁴⁶ Ngauralo, mme na khotsi, vha tshi khou lavhelela uri uyu mutthannga, na ene-vho, lutamo lwawe lu vhe luhulwane, tshelede yo edana u zwi ita. Huno zwenezwo, a hu na na thimothimo, vho rabela uri uyu—uyu mutukana muswa u do—u do wana itsho tshifhinga. Ni a vhona, vho—vho ita zwe the zwe vha kona u ita. A nga di vha e na bere dzavhudzi, nahone—nahone khamusi o vha a tshi takalelwa nga maanda vhukati ha vhasadzi.

⁴⁷ Huno zwi no do ya kha munna, zwi do vha kha musadzi, nga inwe ndila, ni a vhona, ngauri ri khou amba nga ha vhutshilo ha muthu, mimuya, vhanna na vhasadzi.

⁴⁸ Huno zwenezwo, nga murahu ha itshi tshifhinga tshothe tshe mutukana a vha e natsho, ni a vhona, u vha kha “tshiṭaraṭa tshi leluwaho,” ri tshi vhidza zwezwo, kha fhethu he a sa tee u vhilaela lwo kalulaho. Vhabebi vhaweho vha vhe na tshelede. O vha e na . . . Nga maanda o vha . . . U vha muvhusi. Bivhili i amba nga hazwo hafha, zwa . . . sa muvhusi muswa, muswa o pfumaho. Huno ri vhona . . . Kha vhukale vhuswa, khamusi kha vhukale ha vhutukana, a tshi kha di bvou bva tshikoloni, a tshi kha di bvou pfufhiwa, khamusi, vhege dzi si gathi phanda ha hezwo, kana tshiñwe tshithu, u vha . . . Ndi muvhusi, nahone o vha e na zwe the zwe mbilu dia tama.

⁴⁹ Huno mutukana o vha e si riki wa musalauno. O vha e ñwana wavhuđi. Ndi a tenda, musi Luka a tshi ñwala nga hazwo, kana Marko, ndi tenda uri o vha e ene, Yesu o mu sedza huno a fhihamelwa, nge A mu funa. Ni a vhona? Hu na tshiñwe tshithu nga ha ñwana. Ho vha hu na vhumuthu havhuđi ho ḥumekanaho na uyu ñwana. Naa o vha a tshi bvafhi? Kha muṭa wavhuđi we wa mu funza milayo ya Mudzimu, nahone wa vhona zwauri u a i vhulunga. Huno o zwi ita, u bva vhuswani haweho.

⁵⁰ Huno mutukana o vha e na lutamo; o vha a tshi ḥoda Vhutshilo Vhu Sa Fheli. O ri, “Mune Wavhuđi, naa ndi nga itani uri ndi le ifa la Vhutshilo Vhu Sa Fheli?”

⁵¹ Ni a vhona, zwa zwe the zwine na vha nazwo shangoni, naho zwe ralo maya nga ngomu hanu u a ni vhudza uri hu na tshiñwe tshithu tshine na ḥoda, tshine na sa vhe natsho. Nga lupfumo fhedzi . . . Kana, a si tshifhinga tshothe hune ha tea u vha lupfumo. Hu nga vha, musidzana a takalelwaho, muñwe wa u naka, u na lunako lwawe lune a nga elekanya nga halwo. Khamusi u a takalelwa nga maanda tshikoloni. Khamusi mutukana a nga wana musidzana muñwe na muñwe ane a ḥoda. U pfa u nga o tsireledzea. Iyo a si tsireledzo. Izwo zwi do puta vhunga dzuvha tsimuni. Ni a vhona? Zwi do ḥuwa. A zwi nga dzhii tshifhinga tshilapfu. U rembuluwa fhedzi hu si gathi ha dzuvha, izwo zwe ḥuwa, zwenezwo ni na maya une wa tea u tshila U Ya Nga Hu Sa Fheli.

⁵² Huno uyu nwana muswa u fanela u vha o vha e na vhumuthu havhuđi, ngauri o didisa kha Murena Yesu, a tshi divha uri o khatha gona lawe. A ri, “Munę wavhuđi, naa ndi nga itani u vha na Vhutshilo Vhu Sa Fheli?”

⁵³ A ri, "Ndi ngani u tshi mmbidza wavhuđi," a ri, "ngeno u tshi divha uri ndi Muthihi fhedzi a re wavhuđi, huno uyo ndi Mudžimu?" Ni a vhona? Naa muňhannga o bulani nga izwi? Uri O vha e Mudžimu. Ni a vhona? A ri, "Iwe u divha milayo. I vhulunge."

Ha pfi, ngauralo a ri, "Milayo ifhio, Mune?"

⁵⁴ A ri, "Milayo ya 'u hulisa khotsi au na mme au,' na minwe-who."

⁵⁵ A ri, "Izwi ndo zwi ita, u bva vhuswani hanga. Ni a vhona, ndo ita hezwi."

⁵⁶ A ri, "Naho zwo ralo u ṭahelwa nga tshithu tshithihi. Iya, u rengise zwine wa vha nazwo, huno u ^{nee} vhashai, huno u Nteyhele"

⁵⁷ Ndi tshifhinga-de nandi! Uyo a nga vha o vha e Petro, Yakobo, kana Yohane, muñwe wavho. Ni a vhona, ñwana o pfumbudzwa huno a aluswa nga ndila yone, huno a nekedzwa kha Kristo, u mu shumisa. Huno vhukoni hothe he a vha e naho khae, u vhu shumisa, hu na khonadzeo ya uri o vha o funzea, muswa, o pfumaho, thuthuwedzo, he a vha a tshi do vha o kona u nekedza Mafhungo-madifha, huno naho zwo ralo a Afuralela. Tsho vha—tsho vha tshithu tsha vhutsilu-de nandi kha uyo mutukana! Ni a vhona?

⁵⁸ “U Nteyhele.” Zwino, ni a vhona, o do tea u tevhela muñwe muthu. Zwino, o do tea u tevhela thūthuwedzo ya vhatu vhe a vha o dowelana navho, thūthuwedzo ya muñwe mufumakadzi muswa, iñwe thūthuwedzo ya gennge ya vhatukana vhe a vha o dowelana navho, vhashumisani vhatu tshikoloni, kana u tevhela Yesu Kristo. E kha vhudi hawé hothe, naho zwo ralo o ñivha urí o vha a si na Vhutshilo Vhu Sa Fheli.

Vhana, izwo ndi zwine na tea u elekanya nga hazwo. Ni a vhona?

⁵⁹ Zwino sedzani mutukana madekwana a ńamusi, zwe a vha a tshi do vha o vha zwone, na zwine a vha zwone, zwine a vha zwone madekwana a ńamusi. U hūnwe fhethu. O vha e munna. U hūnwe fhethu. O lindela Khaṭhulo. O lindela u livhana na Khaṭhulo nga iilo Duvha, a tshi furalela tshifhinga tshi fanaho na tshi no khou ńekedzwa vhoinwi vhana, kaṭukuṭuku kha nyimele i fanaho; vhana vhavhuđi, vhumuthu hvavhuđi, vhokhotsi na vhomme vhavhuđi, zwine na vha nazwo, a zwi tei u vhuya zwa shuma nndani ha musi ni tshi toda. Ni a vhona?

⁶⁰ Fhedzi hu na tshinwe tshithu-vho tshi no tshimbila na hezwo. Hu na tshinwe tshithu tshi no tshimbila na hezwo. Illo-

Ipfi, madekwana a ɳamusi, na kathihi a li fi. Li kha di vha khaedu kha muñwe na muñwe, musadzi muswa muñwe na muñwe, "U ntevhele." Ni a vhona?

⁶¹ Maipfi ha fi. Musi ni tshi amba tshiñwe na tshiñwe, itonu elelwa, kana ndi modoroni wañu tshiphirini, kana ndi kha phuluphithi, kana ndi khudani ya tshiñaraña ni na khonani yañu ya mutukana kana khonani ya musidzana, huñwe na huñwe hune ha vha hone, a tshi fi na kathihi. Tshi—tshi tea u tshila lini na lini.

⁶² Musi ndo no vhona uyo musidzana we nda...vhunwe vhusiku kha bono, musidzana muswa o nakaho, mutambi wa Hollywood, huno nda mu vhona a tshi khou fa, a tshi khou swikelela, a tshi khou lingedza u wana thuso. O fa nga u kundelwa ha mbilu, Mufumakadzana Monroe. Huno zwenezwo izwo zwo vha hone miñwaha mivhili yo fhiraho, huno ndo mu vhona a tshi khou fa. Huno nga murahu ha mađuvha mavhili a fa.

⁶³ Zwenezwo, vhuñwe vhusiku, nda pfa ipfi la uyo musidzana. Hani? Vhana vho vha vha tshi khou mmbudza, "Khotsi, vhone vha tsela fhasi kha uyo Mulambo Wa U Sa Dovha Na Vhuya, tshifhinga tshoñhe." Ha pfi, "Vha na mutambo u no nga uyo, madekwana a ɳamusi." Vha mmbudza uri u ño vha u tshi khou tamba vhuñwe vhusiku, vhege kana mbili tshifhinga tshi sa athu swika. Nda elekanya, "Zwo ralo, uyo ndi ñodou vhona, ngauri ndo vha ndi kha uyo mulambo, kavhili kana kararu; lu no ñodou swika kañanu, ndi a elekanya." Zwo ralo, nda—nda ñoda u vhona.

⁶⁴ Huno Mufumakadzana Marilyn Monroe uyo a u tamba. Ndi zwone, uyo o vha e musidzana we nda mu vhona kha bono. Huno o vha e henefho, kha tshifanyiso, na miito, luña lwonolwo lwe a lu ita kha Mulambo Wa U Sa Dovha Na Vhuya, musi a tshi dzhia itsho tshifanyiso, khanwe miñwaha ya fumiñhanu yo fhiraho. Tsho vha tshi tshifanyiso tsha kale, khamusi miñwaha ya fumbili yo fhiraho. Huno ho no fhela miñwaha mivhili o fa. Huno ngoyo hafhu, u khou tshila, muito muñwe na muñwe na ipfi liñwe na liñwe. Ni a vhona? Zwi kha di vha zwo fashwa nga mañda kha theiphi ya maginete u swika zwi tshi tshila hafhu.

⁶⁵ Hu si izwo fhedzi, fhedzi tshiñwe na tshiñwe tshire ra amba tshi a tshila. Ipfi liñwe na liñwe line ra amba a li koni u fa. A no dzhena lufherani ndi maipfi zwino, zwivhumbeo zwa vhathu. Thelevishini i a zwi doba. Inwi ni nga kona u amba henehafha, huno vha ni pfa u mona na shango, muthethe wonoyo muthihi. Na musi ni sa athu kona u zwi pfa lufherani ulu, zwi ya u mona na shango, nga elektroni.

⁶⁶ Huno izwo tshikirini tshihulwane tsha Mudzimu tshi a zwi doba. Huno molto muñwe na muñwe na nyito iñwe na iñwe ine na ita, ni tea u ḥangana nayo Khañuloni. Ni a vhona? Ngauralo,

muthu muswa, ndi tshithu tshavhuđi u ima, na elekanya nga ha izwi zwithu, ni a vhona, ngauri ni khou yo dovha na ḥangana nazwo. Ni a vhona?

⁶⁷ Kha ri londe vhuđala ha uyu muđhannga, tshifhinga tshe a vha e natsho, huno ni divhee fhethu hawe. Huno musidzana, u tou fana na zwine zwa vha zwone kha Becky na Marilyn, u tou fana na musi zwi zwithihi na musi no vha no ima fhethu hawe, huno no vha ni tshi nga pfa iļo Ipfi line la kha di tshila.

⁶⁸ Li kha di tshila. Li kha di tshimbila. Saints i ri, “Kha minwaha ya fumbili u bva zwino, vha do doba Ipfi lone-lone Lawe le A amba, miñwaha ya zwigidi zwivhili yo fhiraho.” Li kha di tshila. Vhunga tongwana li tshi wela ḫanzheni, gabelo a li imi na kathihi. Li ya vhugabeloni, maela dza zwigidi, huno la humela murahu.

⁶⁹ Musi ipfi lo no ambiwa tuyani nga u ralo, na kathihi a li fi. A hu na tshine ni nga amba Khathuloni. Li henehafho. Hu do vha na Ipfi la Yesu Kristo li tshi khou ramba uyo muđhannga, “U Ntevhele,” huno ene a tshi khou ḫutshela kule, kha tshikirini, o ḫungufhala, nge a vha e na thundu nnzhi. Ni a vhona? Ri nga di vha ri si... A si tshifhinga tshođe hune ha tea u vha tshelede. Hu nga di vha zwiñwe zwithu. Ni a vhona? Tshiñwe na tshiñwe tshine ra tshi funesa u fhira zwine ra ita iyo mbidzo, ni a vhona, tshi vha tshine tsha nga tshelede kha riñe. Tshi vha tshiñwe tshithu tshine tsha ri ita vhavhi.

⁷⁰ Zwino kha ri mu tevhele zwiđukunyana. Naa hu bvelelani musi a tshi ḫutshela kule? Ho ngo thetshelesa iļo Ipfi la Kristo. O tshimbila na khonani dzawe.

⁷¹ Zwine, vhoinwi vhana, nothe ni vhana vhavhuđi, huno ni a tea u vha na dzikhonani, fhedzi sedzesani uri ni na lushakade lwa khonani. Arali iyo khonani i tshi khou tevhela Kristo, tshimbilani na iyo khonani. Tevhelani Kristo, na inwi-vho. Fhedzi arali i sa iti, ni songo ita.

⁷² Kha ri mu sedze. Ri a wanulusa, ene khamusi o vhulunga khonani dzawe. U vha muvhusi muhulwane. O vha e muvhusi nga itsho tshifhinga. Ngavhuya, ri mu wana a tshi khou bvelela nga maanda u swika a—a—a tshi tea u fhata mañwe mađulu a u vhea zwithu zwawe ngomu. Huno zwenezwo a divhudza ene muñe, nga murahu ha musi o no kalaha, nahone mbilaelo dza vhuđshilo vhuswa na zwithu zwe no fhira, zwođe zwe a ita, khamusi, zwe vuledzwa.

⁷³ Musi mukalaha kana mukegulu, vhunga nne, mufumakadzi wanga, vhomme anu na khotsi, a hu na na tshithu tshine vha nga tshi elekanya. A vha koni, a vha ḫodi u bva huno—huno vha gidima ntha na phasi zwiđarađani, ni a divha, vhunga—vhunga vhatu vhaswa vho vha vha tshi do ita, na vhasadzi vhaswa. Dzindangano, na uri ndi nnyi a no khou yo vha mufumakadzi wanu kana munna wanu, kana, ni a vhona, izwo a vha nazwo

ṭhalukanyoni yavho. Vha, vha na vhana, vha a takalela. Avho vha khou ḍo vha vhoinwi noṭhe, matshelo, arali hu na ṥa matshelo. Ni a vhona?

⁷⁴ Huno vhonani uyo muthu, zwenezwo, khamusi e na... Khamusi ha athu na u mala na kathihi. Huno, naho zwo ralo, o vha e muvhusi muhulwane. Huno o dzula nṭha ha...

⁷⁵ Huno sa zwine zwa vha zwone Yerusalem, naho zwo ralo, ḥamusi, vha ṥa vhe kha ḥtanga ya nn̄du, nga tshino tshifhinga tsha ḫuvha, musi hu tshi thoma u rotholela, nn̄da nga madekwana.

Huno ri wana muñwe mubvumbedzwa o fanyiswaho nae: muhumbeli.

⁷⁶ Huno uyo munna, nge a aluswa u—u hulisa mudzulatsini, na u itela vhañwe vhunga ni na vhañwe vha no ḍo ita kha inwi. Ni a vhona, nga u landula iyo mbidzo ya Kristo, mafhedziseloni... Hu vhonala hu tshi nga, mutukana o aluswaho hayani ho raloho, izwo na kathihi zwo vha zwi tshi ḍo vha zwi songo ḫuwa khae, fhedzi zwo ita. Zwo ita.

⁷⁷ Huno heneffho ho vha ho ḫedela munna khoroni, ane dzina a pfi Lazaro, a tshi khou mu humbeli zwiliwa, nahone lwa lifhedzi. O vha a tshi ḍo ṥa zwipedu zwe a zwi swiela, nahone hu si kha muhumbeli lini, fhedzi kha dzimmbwa. Huno o vha o ḫala zwilonda. Fhedzi munna uyo o vha o pholishwa nga maanda vhathuni, zwenezwo, o vha a si tshena vhudipfi. U vha na tshivhevhe, nge a hana uyo mukovhe wa Kristo.

⁷⁸ Huno khamusi nga mañwe madekwana, nga tshino tshifhinga, a tshi khou ita tshinwiwa tshawe tsha khuliso nga waini dzawe dzavhuđi, huno vhasadzi vhavhuđi, vho nakisa, u mona nae, na zwithu zwi no nga zwenezwo, na zwoṭhe zwe mbilu dzawe dza zwi tama, na u ita tshinwiwa tsha khuliso. Muhumbeli o ḫedela khoroni.

⁷⁹ Huno li sa athu tsha, nga matsheloni a tevhelaho, o vha e vhudzulavhafu, a tshi khou zhambela uyo Lazaro uri a ḫe a vhee mađi kha lulimi lwawe. Tshanduko ya vhupo.

⁸⁰ Huno ni a dzhiela nzhele, musi o ri, "Khotsi Abrahamu," zwino, o vha a tshi kha di elelwa uri Abrahamu o vha e khotsi a Vhayuda. O ri, "Khotsi Ábrahamu, ruma uyo muhumbeli Lazaro ngeno fhasi e na mađi maťuku kha minwe yawe, u vhea kha lulimi lwanga. Idzi khavhu ḫzi a shengedza."

⁸¹ Huno a ri... huno Abrahamu a ri, "Ndi, ndi nga si kone u ita izwo," nga maipfi manzhi nga maanda. "Nahone nga nn̄dani ha izwi zwoṭhe, u a vhona, wo vha na tshifhinga tshau vhutshiloni."

⁸² Naa o vha natsho lini? Musi Yesu o ri, "U Ntevhele." Fhedzi o zwi furalela. O tshimbila nga nđila ye a kona u ita tshelede. Huno izwo zwe luga, a hu na tsho khakheaho kha u ita tshelede, fhedzi

tevhelani Yesu musi ni tshi khou zwi ita. Ni a vhona? Huno ene o tshimbila nga inwe ndila, e na gogo.

⁸³ Huno inwi wanulusani, o ri, huno Abrahamu a ri, “Huno nga nn̄dani ha izwi zweþhe, hu na luwa lwo vhewaho vhukati ha iwe na ene, lwe hu sa vhe na muthu we a vhuya a lu pfuka, nahone a nga si do ralo na kathihi. Avho vha re ngeyo vha nga si kone u ða ngeno, huno avha vha re ngeno vha nga si ðe ngeyo. Lwo vhewa. A hu na muthu we a pfuka kana a no ðo pfuka.”

⁸⁴ Zwenezwo mu thetsheleseni. U þoda-ha u vha muevangeli. Mbidzo ye Yesu a mu ñea, u—u Mu tevhela, o vha e nayo, na u vha muwini wa mimuya, sa muþhannga, yo dovha ya humela khae. A zwi elelwa, zwauri o vha e na vharathu vhaþanu, nahone murahu kha liphasi, huno o vha a sa vha þodi ngomu afho fhethu.

⁸⁵ A ri, “Ruma Lazaro, zwenezwo, murahu u vhudza vharathu vhanga uri vha songo ða thungo holu.” Nga mañwe maipfi, “Tanganedzani mbidzo ya, ‘U Ntevhele.’” Ni a vhona?

Fhedzi a ri, “Vha, vha nga si zwi ite.”

⁸⁶ A ri, “Ee, arali muñwe a tshi do vuwa vhafuni, vhunga Lazaro, huno a humela murahu huno a vha vhudza.”

⁸⁷ Ni a vhona, zwi sumbedza uri, nga murahu ha musi ro no fa, ni kha ði vha o dzivhuluwaho. O elelwa. Abrahamu o ri, “Murwa, elelwa, maðuvhani au.” Ni a vhona? Ni kha ði elelwa. A ni xedzi nyelelwo yanu. Ni a elelwa.

⁸⁸ Dzinyelelwo dze uyo munna a kona u vha nadzo, nahone a tshi kha ði vha heneffo fhethu huthihi, o elelwa tshifhinga tshe a vha e natsho tsha u pfa Yesu a tshi ri, “U ntevhele.” Fhedzi o tevhela muthu a si ene, gogo li si lone. O dzhena kha gogo li si lone, huno a ya fhethu hu si hone, a fhedza e kha Vhutshilo-tshoþhe vhu si hone; u do tshinyadziwa nga ilo Ðuvha, zwi tshi bva ha Mudzimu lwa lini na lini.

⁸⁹ Yesu nahone o amba ipfi lihulwane li kwamaho, “Naho muñwe a vuwa vhafuni huno a humela murahu, naho zwo ralo vha nga si kwengweledziwe. Ngauri, vha na mulayo wa Mushe, huno arali vha sa ðo u pfa uyo, zwenezwo a vha nga pfi naho muñwe a tshi nga vuswa vhafuni. Vha nga si kwengweledziwe.”

⁹⁰ Mulandu? Mulandu? Naa mulayo wo amba tshiñwe tshithu tshi no nga itsho? Ee. “Itelani vhañwe vhunga inwi ni tshi do vha navho uri vha ni itele.” Huno o tshila phasi ha mulayo. Fhedzi ene o litsha muhumbeli a tshi fa khoroni. Ni a vhona? O vha—o vha o tshila phasi ha milayo ya Mudzimu, huno naho zwo ralo a kundelwa u vhona uvho Vhutshilo Vhu Sa Fheli vhuhulwane.

⁹¹ Vhana, vhoinwi, muñwe na muñwe, u nga wanga. Vhoinwi, muñwe na muñwe, u vhonala a tshi nga vharwa na vhananyana vhanga. Nga inwe ndila, ni vhone, ni a vhona, ndi tshi amba lwa maya. Izwo ndi zwone. Murena Mudzimu o—o vhea mimuya yanu kha ndondolo yanga, ngauri ni a ða, na nthetshelesa. Ni a

ntenda. Ni a vhona? Huno nga thaluso nthihi ya ipfi, ni vharwa na vhananyana vhanga. Izwo ndi zwone.

⁹² Tshifhinga tshothe elelwani, u vhulunga milayo ya Mudzimu ndi tshithu tshihulwane. U aluswa hayani havhudzi ndi ifa li bvaho ha Mudzimu. Huno u vha vhana vhavhudzi vha re na vhumuthu vhune na vha naho, zwavhudzi. Ndi zwa nthā, u vha na pfunzo. Ndi zwa nthā u vhuya ra dzula shangoni ili lo vhofholowaho. Ri na zwithu zwintshi zwine ri nga zwi livhuwa.

⁹³ Fhedzi hu na tshithu tshithihi tshine ni sa tou vha na ifa latsho. Ni tea u Vhu ṭanganedza. Uvho ndi Vhutshilo Vhu Sa Pheli. Huno ni do ita izwo fhedzi nga u tevhela Yesu, nga tshenzhembo ya u bebwa hafhu. Izwo ni songo litsha u zwi ṭhogomela.

⁹⁴ Tshiṭori tshiṭuku tshe nda tshi pfa nga tshiñwe tshifhinga, tsha munna we a vha, oo, o vha e mushai. Huno tshifhinga tshothe o—o vha a tshi ḥoda u... Ndi tshiṭori tshiṭuku tsha u humbulelwa, nga u ralo. Tshi dzula tshi kha nne tshifhinga tshothe, nangwe. Huno ḥiñwe dzuvha a fula dzuvha. Huno ilo dzuvha lo vha li masilamusi, huno dzuvha la mu fhindula, huno la ri, “No vha ni mushai vhutshiloni hanu hothe.” La ri, “Zwino humbelani tshine na funa, huno ni do ḥewa tshone.”

⁹⁵ A ri, “Ila thavha i re hangei i do vulea, huno ndi nga kona u dzhena khayo huno nda wana musuku ngomu ha thavha.”

⁹⁶ “Zwo luga,” la ri, “ni do tea u ḥuwa na nñe huñwe na huñwe hune na ya. Ni a vhona? Ni do tea u ḥuwa na nñe. Ngauralo, huñwe na huñwe hune nda vha hone, zwenezwo ni nga humbelan zwine na funa.”

⁹⁷ A ya thavhani, huno thavha ya vulea, huno a dzhena. Raga dzo vha dzo ḥala musuku na dzidaimane, nga ndila ine tshiṭori tshiṭuku tsha u humbulelwa tsha anea. A vhea dzuvha fhasi kha—kha ṭafula kana tombo. Huno a gidima, a dzhia tombo lihuluhulu, huno a ri, “Ndi fanela u ya nda sumbedza khonani ḥzanga ili. Huno zwino ndi munna o pfumaho. Ndi na tshiñwe na tshiñwe zwino. Ndi fanela u sumbedza ili.”

⁹⁸ Huno ngauralo dzuvha la amba, “Fhedzi,” la ri, “no hangwa tshithu tshihulwane.”

⁹⁹ Ngauralo u gidimela murahu huno a doba, a ri, “Zwo ralo, khamusi ndi do—ndi do wana tshipiqa tsha musuku. Ndi do wana tshipiqa tsha silivhere.” Huno ngauralo a ri, “Ndi do—ndi do ṭavhanya u bva, u yo vhudza vhatu uri ndo pfuma hani, na zweṭhe zwine nda vha nazwo.”

¹⁰⁰ Huno a swika munangoni, huno dzuvha la ri, “Fhedzi no hangwa tshithu tshihulwane.”

¹⁰¹ Ngauralo u dovha a gidimela murahu. A ri, “Ngomu hafha ri wana tshakha dzothé dza matheriala.” Ngauralo, a doba tombo. A ri, “Ndi do ya, nda dzhia ili tombo huno nda sumbedza vhatu

uri iyi thavha yo itwa nga tombo la lushaka-de, uri ndi kone u wana ndila yanga ya u ya khalo." Ni a vhona?

¹⁰² Huno a thoma u ya muñangoni, huno dzuvha la ri, lwa u...tshifhinga tshalo tsha u fhedza, "No hangwa tshithu tshihulwane."

"Oo," a ri, "oo, fhumula."

¹⁰³ Ni a vhona, o vha a si tsha ḥoda u zwi pfa, "No hangwa tshithu tshihulwane," huno a gidimela nn̄da ha muñango. Huno musi o ita, muñango wa vala murahu hawe, na dzuvha li nga ngomu. Tshithu tshihulwane tsho vha tshi dzuvha. Ni a vhona? Tshithu tshihulwane tsho vha tshi dzuvha.

¹⁰⁴ Miñwaha yo fhiraho, sa ḥwana, sa vhoiñwi noñhe, fhano, bulasi khulu ya kholomo nga nñ̄ha ha hafha, nga nñ̄ha ha Phoenix. Ndo vha ndi tshi khou vhalala tshipida, tsha vhuñodisisi, bammbiri nga ha muñodisisi. Zwenezwo, ho vha hu si na ndila dzi no fhira henefha tshifhingani itsho, hu tshi tou vha na ndila ḥukhu dza muñavha. Vha kha di ita vhuñodisisi vhunzhi ngomu hafha, ni a ñivha.

¹⁰⁵ Fhedzi uyu muñodisisi o dzhena, huno a wana tshelede nnzhi, huno a wana musukú munzhi. Huno ndilani yaye ya u dzhena, a dzula zhazhani le a li wana. Huno o vha e na mmbwa, nahone, iyo—iyo mmbwa, yo vha yo hungiwa nn̄da. Huno uvho vhusiku, ho vha hu na mudzia-u-pfuka-mulayo we a vha a tshi khou mu tevhela, u wana uyu musuku. O vha o u doba migodini ya kale ya Sipeini, huno o vha a tshi khou dzhena nawo. Huno mmbwa ya thoma u huvha.

¹⁰⁶ Huno uyo munna ho ngo ḥoda u dinwa nga iyo mmbwa. A ri, "Fhumula." A ri, "Matshelo, ndi do dzenisa hoyu, mu—muñini." Huno ndi do... Ngudo dza tshiñori dzo vha dzi hedzi. "Huno ndi do ita uri u kaliwe, huno ndi do vha munna o pfumaho. Huno ndi do renga mimodoro miñwane. Nahone ndi do vha na tshakha dzoñhe dza vhasadzi na zwimima zwihulu. Huno ndi do vha munna o pfumaho, ngauri ndo no no di ita mbilo. Ndi na musuku fhano, munzhi wawo." Huno a ri, "Ndi do..."

¹⁰⁷ Huno musi a tshi khou lingedza u yo edela, mmbwa ya dzulela u huvha, ngauri mmbwa yo vhona mudzia-u-pfuka-mulayo a tshi khou da, a tshi nangavhedza, o lindela muñodisisi a tshi yo edela.

¹⁰⁸ A dovha a vuwa, huno a dovha a kaidza mmbwa, a ri, "Fhumula." Huno mmbwa i ḥungufhadzaho ya gungula nahone ya lingedza u tsivhudza muñe wayo uri khombo yo lalela—lalela. Huno musi a...

¹⁰⁹ Tshifhinga tshi tevhelaho, musi mmbwa i tshi thoma u huvha, muñodisisi o vha e na tshigidi. O vha a sa ḥodi u dinwa, ngauralo a tou vuwa huno a thuntsha mmbwa. Huno muñodisisi a vhulawa vhusiku honoho, nga mudzia-u-pfuka-mulayo. Miloro

yawe yothe ya manakanaka a yo ngo mu thakha. Mulandu? O fhumudza ipfi le la vha li tshi khou mu tsivhudza.

¹¹⁰ A hu na muthu ane a nga lingedza u ita tshiñwe tshithu, vhoinwi vhana, ane a nga si kone u ita tshiñwe tshithu nga ndila yo khakheaho na kathihi, nga murahu ha u aluswa nga ndila ye na aluswa, nn̄dani ha musi ni tshi do pfa tshiñwe tshithu tshi tshi ni vhudza uri ni songo tshi ita. Zwino, na kathihi ni songo fhumudza ilo ipfi li no khou ni tsivhudza.

¹¹¹ Huno elelwani tshifhinga tshothe, tanganedzani ilo Ipfi le la ri, "U Ntevhele," huno tshifhinga tshothe zwi do ni nakela. Ndi a tenda uri ni do ralo. Ndi na fulufhelo kha inwi. Fhedzi tshifhinga tshothe itonu elelwa uri Yesu, ilo Ipfi, li a tshila lifhasini madekwana a ñamusi.

¹¹² Zwi tou fana, sa ipfi linwe na linwe na ipfi linwe na linwe le ra li amba li kha di tshila, musi ilo ipfi li tshi bva kha ilo gabelo la maya. Lone... Ni a vhona, ni na tshirathisi fhano tshi no li rumela nn̄da. Inwi ni tshirathisi tshi no li rumela nn̄da. Zwino zwi dzhia tshiñtschi u zwi doba.

¹¹³ Huno Yesu o vha e Tshirathisi tsha Ipfi la Mudzimu, ngauri O vha e vhu—vhuthihi vhuraru ha Mudzimu ho vhonadzwaho kha Munna muthihi. O vha e Mudzimu o khunyelelaho na Munna o khunyelelaho.

¹¹⁴ Huno vhuraruthihi ha Mudzimu, vhuraruthihi ha zwiataluli zwa Mudzimu, vhunga e Khotsi, Murwa, na Muya Mukhethwa, zwo imelwa kha uyo Munna muthihi, Yesu Kristo. Ngauralo, heneffo, O vha e Ipfi.

¹¹⁵ Huno O vha e Tshirathisi tshe tsha ri, "Ane a pfa Maipfi Anga, huno a tenda Uyo o Nthumaho, u na Vhutshilo Vhu Sa Pheli." Ni a vhona? "Ngoho Ndi ri kha inwi, ane a pfa Maipfi Anga, huno a tenda Uyo o Nthumaho, u na Vhutshilo Vhu Sa Pheli." Zwino, ilo Ipfi lo bva kha Tshirathisi. O ri, linwe duvha, "Ngoho Ndi ri kha inwi, arali na ri kha iyi thavha, 'Sudzuluwa,' huno na sa timatime mbiluni yanu, fhedzi na tenda uri zwe na amba zwi do khunyelela, ni nga vha na zwe na amba."

¹¹⁶ Zwino, arali ni tshi nga vha tshiñtschi tsha u li doba Ilo, nga inwe ndango ngomu hanu, nga lutendo, zwi do ni sudzulusela heneffo ngomu ha muthevhehandu wa Mudzimu, u ya kha Mbebo ntswa, huno na bebwa hafhu. Zwenezwo tshifhinga tshothe inwi ni do vha na vhukwamani, u pfa ilo Ipfi line tshifhinga tshothe la do ni tsivhudza musi khombo yo swika. Musi zwithu zwo khakhea, zwi tshi khou tshimbila nga ndila yo khakheaho, tshifhinga tshothe Li do vha tsivhudzo kha inwi. Huno zwenezwo, vhudzuloni ha uri linwe duvha ni nge uyo mutukana muswa o pfumaho ane ra khou amba nga hae; ivhani munna vhunga muapostola Petro, Paulo, kana muñwe muthu we a winela mimuya kha Yesu Kristo. Vhoinwi ni ite zwezwo, vhana.

Ri nga rabela?

¹¹⁷ Murena Yesu! Vhaswa, vhanna na vhasadzi vha matshelo, arali hu na la matshelo. Ri fanelu u vha pfumbudza, Murena. Ri a u pfa uyo muhwalo, u vha pfumbudza vhunga hu do vha na la matshelo. Arali hu si na, zwenezwo ñamusi ndi ðuvha.

¹¹⁸ Huno zwenezwo, Khotsi, ri a ðivha uri a hu na a no ðanganedzwa mañoni Au. A hu na ñama ine i nga ðineá vhugala. A hu na pfunzo, naho izwi zwithu zwi tshi nga vha zwavhudi, a hu na mishumo yavhuði, a hu na tshiimiswa tsha vhurereñi, a hu na saikholodzhi, a hu na tshithu tshine tshi nga khwañhisedza Mudzimu nga nn̄da ha Muya Mukhethwa. Ndi Wone Tshishumiswa, Mudzimu Ene mune, nga tshivhumbeo tsha Vhutshilo Vhu Sa Fheli, ane a nga ða kha riñe sa muthu. Huno izwi ri a zwi livhuwa.

¹¹⁹ Ngangoho zwi a bulea musi Petro o bala dupo. Yesu o ri khae, “Nama na malofha a two ngo u dzumbululela izwi. Na kathihi a wo ngo zwi guda kha seminari. Na kathihi a wo ngo zwi guda kha tshirwe tshikolo.” Ndi tshithu tsha muthu, tshiñwe tshithu tshine muthu muñwe na muñwe a tea u tshi ðanganedza. Wo ri, “Kha ili toombo Ndi do fhaña tshivhidzo Tshanga, huno khoro dza vhudzulavhafu a dzi nga koni u tshi kunda.” Ri a zwi livhuwa izwo, Murena.

¹²⁰ Ilo Ipfi li kha ði tshila madekwana a ñamusi. Huno hu kha ði vha na fhethu, matavhi, fhethu ha u ðhetshelesa, zwiñtshi zwa u ðanganedza, zwa lutendo, zwine zwi nga Li ðanganedza. Ri rabela uri muñwe na muñwe wa avha vhana Ilo u do li ðanganedza, Murena, mbiluni dzavho. Huno zwi elelwé izwo, a si zwine vha ita u vha vhavhuði, fhedzi vha... Mudzimu ha ri hañuli nga zwine ra ita, fhedzi nga zwe ra zwi ðanganedza. Ri tshidzwa nga lutendo lwashu, huno hu si nga mishumo yashu. Ngauralo ri a rabela, Khotsi wa Taqulu, uri vha do pfesesa bono zwino, huno vha vhona nahone vha pfa iyo thambo khulwane ya U Ya Nga Hu Sa Fheli, ya “Ida, u Ntevhele.”

¹²¹ Muñwe na muñwe wawho, Murena, nga a fhambane na zwithu zweñthe zwa shango, uvhu vhutshilo vhu faho, vhutshilo ho pimiwaho. Vhunga vha fhano madekwana a ñamusi, na mavhudzi avho a musuku o tshenaho, huno vhañwe vhavho vha na mavhudzi matswu, na maño o swifhalaho, na maño a buluu, nahone vho dzula kha zwavho zwa khwinesa zwa zwine vha do vhuya vha vha zwone.

¹²² Huno vhunga muñwali muhulwane o amba, “Elelwani Musiki wañu maðuvhani a vhuswa hanu, musi maðuvha mavhi a sa athu sendela. Zwenezwo ni nga si ðo a takalelâ.” Nga ndila ye, Murena Yesu, Wa amba na Petro, “Musi u tshee muswa, wo takuwa huno wa ya he wa ðoda. Fhedzi musi u tshi kalaha, muñwe u u isa hune wa sa do ya.” I ri vha elelwé, “Zwino ndi ðuvha. Itsi ndi tshifhinga.” Zwi tendele, Khotsi.

¹²³ Ndi vhila muñwe na muñwe wavho, ndi itela ñwananga nñe mune, fhano madekwana a ñamusi, kha ñwana muñwe na muñwe ngomu hafha. Ndi pfa urí Wo vhea zwandani zwanga, u vha lisa. Ndi a vha vhila vhoþhe, kha Saþhane na lufu, u vha isa kha Vhutshilo kha Yesu Kristo. Amene.

¹²⁴ Fhaþutshedzeani, vhana vhaþuku. Vhukuma ndi zwavhudi u amba maipfi a si gathi na vhoinwi. Huno ndi do huma na, Billy. Vhana vhavhuði, ndi a ni takalela. Mukomana Fred, Murena a ni fhaþutshedze. Murena a ni fhaþutshedze, khaladzi. 

IDA, U NTEVHELE TSV63-0601
(Come, Follow Me)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Fulwi 1, 1963, kha Muṭangano wa Nduni ngei Tucson, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenḍa yo gandiswa huno ya phaḍaladzwa nga vha Voice Of God Recordings

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org